



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hierakosophion

Demetrius <Pepagomenus>

Lvtetiae, 1612

Ixxi. Ad oscitantem.

urn:nbn:de:hbz:466:1-12846

*Ad accipitrem, qui progreditur ad prædam,
& simul pedem refert.*

ITA ipsum restitues. Piperis grana tria, vinum vetus, mel, cuminum, album liquorem oui. hoc semel die dabis, & ad iusta perduces.

Ad eum qui visco oblitus sit.

OLEO, locum, vbi viscus adhæsit, eluito, & linteo tanquam spongia exprimito, & lacte caprino abluito, & mirificè absterges.

Ad eum qui agrotat ex aucupio.

AQVAM inferuefactam, quantam tua manus ferre potest, super eius dorsum inspergit.

*Ad eum quem velis educere ex cellula
pinnarum mutatoria.*

ANTE lucem cum ipso ambulabis, & priusquam sole exoriatur, ad perticam reduces: vespere verò lucernam huc illuc mouebis, gestans ipsum, quo ad dies sit.

Ad oscitantem.

SI accipiter hiscit, oscitatur, scito eius interiora ulcerata esse. Ita ipsum curabis. Butyri, mellis, olei rosacei, singulorum ligulam, medullæ ceruinæ quadrantem, sandarachæ vnciam, vini ligulas duas in

vnum misceto, eaque cibatui præbeto ex carne hircina per tres dies aut quatuor.

Ad ulcera crebris tumoribus exasperata.

Hoc remedio auxiliabere. piperis vi-ginti duo grana, folij Indici, nardi spicatae, foliorum petroselini Macedonij, singulorum scrupulos duos, euphorbij, costi, singulorum scrupulum. omnia terito, misceto cum melle, hisq. palatum accipitris fricato ad solem, & ad horā prandij sumito butyri treis partes, mellis partem vnam, Balsami partem alteram; simul terito, & cum prædictorum puluere commisceto, eaque commista ex cibo calido præbeto, & sanitatem afferes.

Ad eum, qui decidit in aquam cum ansere.

Ossa palmarum aqua conspergantur per diem vnum; die insequenti terantur; adjicantur piper album, & nigrum, pedicularia, nardus spicata, Indica spica. omnia æqua portione terantur. sumatur etiam butyrum, axungia anatum, & suilla pari pondere contusa, in offulas agglomerata accipitri dentur, & nihil frigoris sentiet. Vel offas illi dato rosaceo oleo con-spersas, & protinus frigus illi pelles.